

稗海

精粹

落日發照紫禁城



统编者
章伯锋
编者
庄建平



稗海精粹

落日残照紫禁城

统编 章伯金
编者 庄建

四川人民出版社

网址: <http://www.booksss.com>
E-mail: scrmcbsf@mail.sc.cninfo.net

特约编辑: 金汇海
责任编辑: 叶 勇
封面设计: 邱云松
技术设计: 古 蓉
责任校对: 伍登富

·辞海精粹·
落日残照紫禁城
——清宫秘史纪实
统编: 章伯锋
编者: 庄建平

四川人民出版社出版发行 (成都盐道街3号)

成都华川电脑印务中心照排

四川省印协印刷厂印刷

开本 850mm×1168mm 1/32 印张 13.875 字数 312 千
1999年10月第1版 1999年10月第1次印刷
ISBN7-220-04711-8/K·634 印数: 1-3000

定价: 28.00 元

编者的话

《近代稗海》编辑出版于 80 年代，前后陆续有 14 辑问世，然事隔多年，目前书店已很难见到。编者不时接到热心于此书的读者，询问是否有新编各辑出版，有的读者为觅购此书而屡屡来函。现四川人民出版社决定出版一部《近代稗海》的选编本，以应读者之需。全书共分 5 卷，一、落日残照紫禁城——清宫秘史纪实；二、晚清民初政坛百态；三、闲话民国；四、内忧外患中的蒋家王朝；五、近代中国社会面面观。所收篇目除一部分转录《近代稗海》出版之各辑外，大部分为新选辑自解放前后出版的（包括港台版）笔记、杂记、杂史及有关文史史料刊物专集上所载回忆录、调查访问记，并有摘录自上海《申报》、天津《大公报》、北京《晨报》的写实报道，以及新旧地方志的资料。内容多为正史所不载，或记事略而不详的史实、记事，如清宫典制、掌故，宫闱秘闻，王公贵族生活，政要人物遗闻、轶事，政坛内幕，军阀兴衰，遗老政客生活百

态；近代中国社会生活中的婚礼、丧仪、风俗民情，以及帮会、流氓、妓女、乞丐、赌博、毒品等社会文化诸方面的写实记述。凡收入本书各篇目，多属史料笔记性质，并非道听途说的无稽之谈，且具有一定的知识性、趣味性和可读性，其内容多可为治史者参考。读者在浏览阅读时，可从中熟悉近代中国的方方面面，扩展视野，增广见识。

全书策划、统编由章伯锋负责，各卷编者：第一、二卷庄建平，第三、四卷吉迪，第五卷卞修跃。

编 者

1999年4月

2603/19



南屋述闻	龙顾山人辑 (1)
枢廷载笔	祁窩藻 (41)
客韩笔记	许寅辉 (55)
东使纪程	花沙纳 (78)
垂帘波影录	许指严 (110)
圆明园与同治帝	吴相湘 (125)
德宗遗事	王树枏 (163)
光宣小记	金 梁 (185)
崇陵传信录	恽毓鼎 (237)
珍妃其人	商衍瀛 (258)
诡谋直记	毕永年 (264)

- 庚子西狩丛谈——慈禧西行 吴永口述 刘治襄记 (269)
慈禧西行太监之不法 (354)
荣相国事实记略 佚 名 (359)
老庆记公司 许指严 (366)
德宗请脉记 杜钟骏 (371)
清末王公贵族的生活 (380)
让国御前会议日记 溥 伟 (412)
记隆裕后之宣布共和及其逝世 黄远庸 (419)
溥仪大婚纪实 (422)
清宫空前之大火 (434)
冯玉祥迫宣统出宫记 许金城 (437)

南屋述闻

龙顾山人 编

说明：《南屋述闻》二卷，油印本，前后序跋，无成书年月。据卷首开篇自云：“迨丁巳夏，余以卿阶叨与枢直”云云，可证写于民国。作者未署真名，题龙顾山人辑。龙顾山人是郭则灝之别号。则灝，字啸麓，号蛰云，福建侯官人，光绪二十九年癸卯科进士，宣统初年曾任浙江温处兵备道。著述甚多，有《龙顾山房全集》，刻于戊辰，包括诗文词等。曾游日本，有江户竹枝词百首。此外有《十朝诗乘》、《洞灵小志》等书。其补军机章京，则在民国初年，时清室皇族犹未退出故宫，以小朝廷自居也。

卷首记述其父礼部侍郎太保公者，乃郭曾忻也。曾忻字春榆，光绪六年庚辰科进士，以礼部主事补授军机章京。晚年著有《过隙驹日记》（稿本未刊）。郭氏父子均进士，均曾任军机章京，故作者于卷首盛称父子同任军机者，有清一代人物中确实不多，故作者对此欣然乐道。

南屋者，军机章京办公处，在隆宗门内，建于乾隆十二年，据《清会典》八六三载，“于乾清门左右建直庐各一二间，又于景运、隆宗二门内之南各建直庐五间，北向。”北向即南屋，今日游故宫即可见其地。

全书均讲清朝军机处故事，关于嘉道以后为多。所记凡关于典章制度、人物升降等，不失为近代史料中不可多得之记载，可贵之参考。按清人笔记中谈军机处者多矣，大皆记录片段，似此系统的缕述，互相贯联者，洵足珍责。按军机章京虽只三四品官，因系清廷政权要地，选拔人才极为严格，以敏捷缜密为主，常由此阶梯可望大用，清朝许多军机大臣或大学士，均由此飞升，故戊戌变法，对于六君子即如此安排。戊戌七月二十日光绪上谕：“内阁候补侍读杨锐，刑部候补主事刘光第，内阁候补中书林旭，江苏候补知府谭嗣同，均着赏四品卿衔，在军机章京上行走，参预新政事宜。”以候补人员提为军机章京参预新政，亦可见军机章京之重要。倘戊戌变法成功，则上述几位新军机章京即可执政，惟不到一月，变法失败，六君子被害，光绪被幽囚，此亦有关南屋旧闻，不可不知也。

《南屋述闻》于1940年刊出于北京《中和》月刊第八卷第8、9两期，署名水东花隐辑。内容较油印本多出戊戌变法三则（见卷二），另有的文字微有出入，今据油印本由谢兴尧整理。

南屋述闻卷一

军机处直房在隆宗门外，北房五楹，为大枢趋直之所，南房为章京直舍，亦五楹。汉章京恒在西间，满章京恒在东间。枢直中人相沿称南北屋，其曰南屋者，谓章京也。先太保公以光绪十九年癸巳五月由礼部主事充章京，迨光绪三十一年乙巳三月丁先大父忧去官，时已赏侍郎衔，署礼部右侍郎，在值凡一周星。余少时好研掌故，凡枢垣故事，得自庭闻者颇多。迨丁巳夏，余以卿阶叨与枢直，距先公之离直复一周星，得亲至所谓南北屋者。昔所闻于先公，至是皆一一躬睹之，童时默识，垂老而不能忘，盖系于国家之感者深矣。曩之父子同入军机者，若蒋炳子熊昌，方观承子维甸，袁守侗子煦，梁国治子承福，孙士毅子衡，赵文哲子秉渊，龚禔身子丽正，虽所遇显晦不同，而生值清时，类皆有所建树，小子之所值则为何如耶。钩天惝恍，视草仓皇，视先公当日儻直从容，回首且如天上。忆陈弢庵太傅丈句云：“不须更溯乾嘉盛，说著光宣已惘然。”笔之有餘慨焉。

国初承明制，丝纶出纳，掌于内阁，而赞画戎机，匡翊庙算，则议政王大臣主之。雍正时用兵西北，虑中书未尽谨密，始别设军需房，嗣定名军机处。其初即用议政处得力之员，如雍正八年仅内阁侍读舒赫德、兵部主事常钧二员，皆旗籍也。舒后授军机大臣，官至武英殿大学士，谥文襄。次年始有汉章京，由大臣于中书中检选委用，首直者为阁侍读蒋炳，后官至仓场侍郎。其时满股间有由部员小京官笔帖式充任者，汉员中无之，故有谓军机处为内阁之分局者。乾隆初年，用起居注主

事马康熙、宗人府主事章宝传为章京，亦以其久任中书，为大枢所识拔也。

汉章京之有部员，自乾隆二十年户部员外郎陈耀祖始。同时涿州刘湘，以御史入直。二者皆非恒格也。至乾隆二十九年以后，部曹入直者乃渐多，如郑步云、邵洪由吏部主事，陈绳祖由户部主事，洪朴由工部主事，费淳由刑部员外郎皆是，然仍以中书为主。仁宗亲政，欲杜枢相树党汲引之弊，乃专重考选，于是部曹入直者转多于中书。嘉庆四五年间所补章京，如茅豫、任烜、何元娘、糜奇瑜、熊方受、张志绪、黄跃之、杨懋恬，大抵皆部曹，而中书只盛惇大一人。当时有军机处司员之目，且见于诏旨，自是沿至光、宣，凡满汉章京皆以部曹为多，即有由中书入直者，数年间亦保擢部员矣。

军机处章京之考试，由内阁及各部考核各员之合格者，询其愿送与否，其愿送者本衙门先试之，择尤保送于军机处，然后枢臣酌定考试日期。试题以论一篇，三百字为率，限晷交卷，卷用白折，兼取工速。人数较多，得分日试之，试毕由枢臣专其去取，不别简阅卷大臣。其试卷亦不糊名，异于其他试典，盖以职司密勿，重在考督其人之品行声名，初不专取文字。乾隆十八年御史傅棠疏言，当于举场考试章京，照章弥封，别派大臣阅卷，以昭慎重。上谓糊名考试则但能观其文字，何由识别才品。要惟秉公甄别，严惩滥保而已。观此可知立制用意之深，而视斯选之特重也。凡考取者由军机处带领引见，先行记名，以次传补，大抵首列无不记名者，第二名以下或记名或否，由上圈定。

自考选章京之制行，凡阁部保送者类皆系进士、举人出身，间有拔贡出身之部员，亦必朝考高等用为小京官者，而捐

纳者不与焉。惟甲乙榜有捐纳内阁中书者，例得保送。

枢垣初设，由大枢秉笔，汉文皆张文和任之。文和又举汪文端入直以代其劳。其时之章京职缮写而已。满文亦然。舒文襄、班第等娴国书，皆躬任属草之役，厥后傅文忠为首揆，欲督满章京才具，稍假借之。文端见满员如此，亦自嫌近于揽持，乃渐使章京代拟，相沿日久，而属草遂为章京之职。虽君上亦知之也。然诏令之重要者，大枢犹往往亲撰之。既定稿乃授之于章京，故大枢居末者，俗有打帘军机之目，亦曰秉笔军机。盖枢臣入对时，必携带笔墨，备御前撰记之需，又出入必有幕帘者，皆新进之大臣服其劳也。

首任大枢者，为鄂文端、张文和，其名称为办理军机事务。继此凡简派军机大臣，其谕旨皆曰军机处行走，或军机处学习行走，如雍正十一年命讷亲、班第在军机处行走，乾隆四十五年命福长安在军机处学习行走是也。至嘉庆中有旨命松筠在军机大臣上行走，英和在军机大臣上学习行走，于是任用军机大臣，其谕旨皆沿是式。晚近亦有授为军机大臣者，而章京之署衔乃曰军机处行走，然谕旨仍称之为军机章京，其于枢堂亦自称章京。其投帖用红单片，侧书章京某，虽擢至大九卿或权侍郎不改也。按章京为国语，国初之昂邦章京、梅勒章京，即各旗都统、副都统。后来旗制尚有管旗章京。西北各城之办事参赞大臣，其属亦置章京，初不限于枢僚也。太宗尝谓范文程曰：“范章京朕之心膂。”其时文程亦赞襄机密，昕夕在公，于后之军机章京为近。

章京初无定额，自嘉庆四年始定为满汉各十六员为两班。每班以一人为领班，一人为帮领班，俗称为达拉密、帮达拉密。盖达拉密者，国语领袖之谓。至嘉庆十一年奏留署满章京

重伦于额外行走，二十一年又奏行走之强逢泰不占额缺，于是每八人之外，复有额外章京一人，满汉各十八矣。咸丰三年以军务殷繁，添传记名章京四人在额外行走。至十一年，所传四人有已补入额者，又请添传二人在额外行走，则每班各为十人。同治十一年军务渐平，复请停传二人，仍符十八人之数。光绪中定为每班十人，迄于改制。其间有由丁忧起复者，循例皆于额外行走，往往不止十人。

两班曰头班、二班。其直期以二日番替，而每日必有直宿章京二人，以资深资浅者各一。资深者曰老班公，资浅者曰小班公。其直宿之所，恒于方略馆。盖方略之提调、总纂、协修各官，例以章京兼任，其任缮写之役于军机处者，亦即方略馆之供事，故枢直档案咸藏庋于此。直宿者以次早赴直庐交档案、月折等件于接班者，曰交班。枢堂有所交派则直班之章京承应之。赵云崧《檐曝杂记》谓每夕留一人宿直舍，又恐诘朝猝事非一人可了，则每日轮一人早入相助，谓之早班，率以五更入内。盖乾隆间军兴事繁，暂行之制，后来无之。章京擢至领班、帮领班者，则不复直宿。

直庐初创，仅板屋数间，乾隆中始建瓦屋。赵云崧谓初直时，直舍在大臣直庐之西，其屋只一间有半，嗣迁于对面北向之五间，是即今之直房。自今视之犹甚隘也。西苑直房在苑门之北，中海之东岸，背苑墙而面海，圆明园直房在左如意门内，颐和园直房亦在官门内之左庑，皆视隆宗门内直庐为胜。而圆明园之七峰别墅，为枢僚直宿处，颇饶树石，屡见篇咏。王定甫淀庐六咏，曰七小石，曰有嘉树轩，曰井屋，曰拱宸楼，曰欧斋，曰湖阴西舫，即咏是墅。林颖叔同时枢直，其自号欧斋亦取于此。颖叔《病中梦登拱宸楼》句云：“登楼秋老

半山月，近水星明初夜灯。”定甫拱宸楼绝句云：“小楼一角护垂杨，携得秋风襆被凉。不信人间即天上，楼前银汉接红墙。”后楼前柳枯，又以见山为喜，与同直唱和有诗，一时胜致可想。袁子才记鄂文端事，谓上以藩邸小虹桥赐公为别业，而中分其半为军机房。又《枢垣记略》：乾隆间，以庆复入官花园，赏给军机司员为该班直宿之所。嗣以日久颓废，请与庄邸五福书房互换，允之。又挂甲屯、冰窖两处皆有章京直庐，未知何者为七峰别墅也。近年枢僚园直者别有军机处公所，在颐和园之南，非复承平之旧矣。

康熙时即有奏折，然以题本为正，往往奏折奉准者，仍令照例具题。自设置军机处，凡重要政事皆具折直达于上，上阅后即时处断，由枢臣承行之，其题本主于内阁者，大抵皆例文也。凡题本由通政司收受。每日奏折上陈，或依议，或照所请，或交部议奏，上各以指甲画之，以为暗记。奏事太监汇捧折匣一一宣旨讫，以授军机处遵行之。其有待商榷者，枢臣入对，面承上旨，既对而退。则全班章京皆上堂，曰接旨。枢臣于其应办者，若明发，若廷寄，若交片，咸面授意旨，令章京属草。或匆遽立待，即于北屋定稿缮写，篇幅长者，得截定行页，由数章京分书而合成之；其合粘以纸匠任之。或有更改匆匆不及另缮，得粘纸盖于其上，字有增则挤而书之，有减则展而书之，虽大小不匀，或欠端整，皆无碍进呈，但不得挖补，按此类古之贴黄。其奏折未经御批而由枢臣酌拟者，既拟定则裁白折纸为签条，录所拟批于上，盛以折匣，送交太监呈上照批。若寻常安折之批“朕安”等字者，由章京蘸硃敬书，以代御笔。

内阁无印，而军机处有印，质以银，钤以紫泥。其文曰

“办理军机处之钤印”。盖为钤发廷寄或交片之用。廷寄者，以传述谕旨。发端云“军机大臣字寄某省某官”，末云“遵旨寄信前来”。先是，军机领袖职望俱崇，凡廷寄皆以领袖大臣列姓，迨和珅为首揆，高宗知其不称，始改用军机大臣字寄，至今沿之。大抵机事慎密，不便发抄者，咸用廷寄，由兵部加封驿递。其迅速皆于函外判明，由章京判之。寻常曰马上飞递者，日行三百里耳。有急则另判日行里数，往者至六百里加紧而止，近时有八百里加紧者。若行于各提镇或各盐政关监督，则不曰字寄而曰传谕。近时电信通行，于是急要政令，更有电旨。电旨之式，云某省某官，本日奉旨云云，特电遵照，末署枢字。其复奏亦往往用电信，谓电奏，别有颁行密码，由章京译之。

交片于各部院者，必其有所申谕者也。若寻常交件，则交由各衙门领事司员面领。领事者得至章京直庐，领讫则签名于簿。簿列所领件数以资考核。内阁亦派中书逐日赴军机处领事，盖凡发钞各件，胥由内阁领钞，而于次日缴回原件。内外奏折之发钞者，以部院应办者为限，不涉部院者不与焉。未加硃批之件（即指画暗记者），即以原件发钞。若加硃之折，内折存军机处，以俟汇缴，外折仍递回原省。其专差赍奏者，以原件交内奏事处封发；若由驿驰奏者，则封交兵部发驿，皆即日行之，而必先录副存档。

《制艺丛话》载有枢直制艺两股，仅忆其前三句云：“辰初入如意之门，流水桥边，先付衣包于厨子；未正发归心之箭，斜阳窗外，频催钞折于先生。”盖枢僚园直时游戏之作。厨子者，直房所用杂役也。章京不得带仆从入内，故衣包等件，皆由厨子赍之。余尝于市肆，见明代宫门照验铜鱼符，镌有厨子

二字，其名由来久矣。若先生则章京以称供事者，供事任钞写之役，如每日奏折之录副，或一奏折而分交数部，则必别抄分交，其事亦甚繁重。凡本日之事，皆即日办竣，不得积搁。既办竣，则由直班章京将所有文件筐而盛之，由厨子赍送于方略馆，以交直宿章京分理之。

本日所办一切事件，由直班章京一一手记于簿，谓之随手，亦曰记载备查。明发记以“○”，廷寄记以“△”，取其敏速也。直宿章京复将本日所办各事分记于明发、廷寄各档及现月档。凡档案皆依年月编存，知其为何年何月所发上谕，再检是月之明发档中，则其件斯得，故检档从无稽滞。然一事而数见明发，则须一一考其年月而分检之，又不如各衙门案卷之一线衔接矣。凡档案每三年重修一次。供事任缮写，以章京二人任校对，俱得叙劳邀奖。其重修亦仍用年月编存之法。

军机处有沿用之名词为外人所不及知者，随手即其一也。此外如缮写明发谕旨，及廷寄交片，谓之现递。字数较长之稿，截定段落，分数人书之，谓之点扣。分书讫仍糊粘而接联之，谓之接扣。领班复校后贮于黄匣，送大臣恭阅无讹，始授内监呈进，谓之述旨。中有经硃笔改定者，谓之过硃。若先期预拟之件，缮写讫封存备递者，谓之伏地扣。其恭遇巡幸赶于首站呈递者，谓之下马扣。又有仓猝急就，赶于圣驾途憩之尖站呈递者，谓之赶鸟墩。其他日行事件，如交付于院部领事司员日交发。章京承钞密件，由两员互校讫而注明事由及办法于副本，曰开面。本日到折归函后，缴入内奏事处，曰交折。其发交各衙门折件，经交还而汇存者，按日为束；是日月折。每月谕旨片单等件，接日汇装成册，经月一换，是日清档。章京之直班者，将日行事件办竣，以现年随手、现季清档、月折及

各要件存贮于柜，而亲手题封，是曰封柜。凡此统称班务，其在直治事之案，曰班桌。

凡直宿者皆兼直日，曰本班。其该班而不直宿者曰帮班。若在园直，则每四日为一班，谓之该园班。每班亦以二人分班轮算，与在城同，俟直务毕，则退而聚居于外直庐，即前此之七峰别墅、后来之军机公所也。迨第四日园班届满，是日散直后，不直日者听其陆续入城，惟领班与本班必留宿，以俟次日交班，谓之不截尾。若园班值上回宫，在每班之第五日，则带直一日为五日班，历来如是。至于扈从行围，则两班章京轮派，以本年秋围合次年春围为一班，扈旋后例得辍直，或数日或数十日，视道里之远近为衡。其不随扈之章京，每日由是班轮满汉各二人诣内阁听报，满章京只候于诰敕房，汉章京只候于蒙古学士堂，遇有行在军机处文件，分别照行之。迨圣驾回扈从者辍直，则不随扈者连日趋直以代之。凡辍直更替谓之图塔密，扈次驻跸日期谓之音德密。二者皆注明于随手簿中。

行幸所至，有行宫者，以宫门外左偏之屋为军机直庐。若行营等处，则权设蒙古包或帐房。行营设于白布城东门夹道内；其在看城等城，则设于黄布城左右。章京亦别有帐房，随带短几坐褥，依次列坐。《檐曝杂记》谓扈从木兰时，帐中无适用之几，累折匣代之，以铁丝灯笼照书，一经萦拂，蜡泪狼藉，想见行役之苦。

军机处印存大内，印钥由领班大臣佩之，其请印钥以金牌，由直班章京佩之。每日班务毕，以金牌交于直宿者，乃得退直。若随扈，则请印出，交部赍往，途次由兵部司员每日送至行宫直庐，请枢臣启视并备钤用。

枢直以慎密为主，嘉庆五年特谕王大臣等不准至军机处说